



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

18386

227

Ան. Առաքելյան  
Գրքերի քանակ  
5-րդ.

1906

891.992

Ա-42

ПРЕДСТАВИТЕЛЬСТВО  
НАСТАВНИКОВ  
Е. В. Тель-Армандо  
РАЙОНСКОЕ УЧ. Ц. 2

9/1/7

10 NOV 2011  
74 JUN 2005

Գ. ԱՎԵՐԿԵՆՅԱՆ

891.99  
Ա-42

№: 9061.

**ԳԱՅԼԵՐԸ ՈՒՆՈՒՄ ԷԻՆ**



681  
1001



227

ԹԻՖԼԻՍ

18386

5.02.2013

808

104-115



### Գ Ա Յ Լ Ե Ը Ը Ռ Ն ՈՒ Մ Է Ի Ն

Անտառումն էինք աշնանային ուշ գիշերին:  
Մեղմութեամբ՝ ինչպէս յուսարեկ սրտի  
թամրած երազներ, ծառերից պոկուում էին  
թօշնած տերևները և խաւարի մէջ փոքրիկ  
հեծեծիւն արձակելով՝ ընկնում էին մեր գլուխ-  
ների վրայ:

Անյոյս ու անդարձ մահերը երազների...  
Մռայլ, լալկան աշուն էր:  
Նա էր հեծկտում խաւարի մէջ, նա էր սօ-  
սափում անտառի ծառերը, նա էր փսփսոում  
չոր տերևների մէջ յոգնած, ուժասպառ մի-  
ջատների հետ, որոնք նոյնպէս գնում էին  
մեռնելու մի փչակում, մի խորշում, կամ հի-  
ւանդ ծառի պոկած, կծկած կեղևի տակ:

Եւ գայլերը ոռնում էին:  
Նրանց մռնչիւնը՝ մերթ սպառնալի, որպէս  
հեռաւոր արճաւիրքի որոտ, մերթ ողբապին,

Տպարան Գութաթելիքի



189 Բ

որպէս անյոյս կատաղութեան հեկեկանք, ձգւում, տարածւում էր քնած ծառերի վրայ՝ և այն ժամանակ խաւարը մնչում էր, միջատների քստոցը դադարում էր, գիշերը պահում էր իր շունչը և հեռում մեղմիւ, վախկոտ, անձայն:

Կրակը վառւում էր ճարճատելով, բոցերը երերւում էին, հազիւ լուսաւորելով՝ մօտիկ ծառերի բները, և նրանց ցուքերը դողդողալով քսւում էին թանձր, անյոյս խաւարին վախեցած մանկան աչքերով, որ նայում է մռայլ հեռուն և սիրտ չի անում առաջ շարժել, անյայտի ու խաւարի սոսկումով բռնւած:

Կրակի մի կողմում, լայն ետփռնու մէջ փաթաթւած, հանդարտ քնած էր իմ ընկերներից մէկը, հուժկու, գեղադէմ տղամարդ, որի միայն դէմքն էր երևում:

Միւս ընկերս՝ մի վտիտ, ջլուտ երիտասարդ, նստած էր իմ դէմ ու դէմ և անդադար փայտի կտորներ էր նետում կրակի վրայ: Նա նոր էր փախել բանտից, և մենք վերսկսել էինք մեր խենթ, արկածալից կեանքը անտառներում, ձորերում, լեռներում, միշտ ազատ և միշտ փախստական:

Ծնկները գրկած և աչքերն անթարթ՝ նա նայում էր կրակին թախժոտ, մտախոհ հայեացքով, և կարծես կարդում էր բոցերի լեզուն, դիտում էր նրանց շարժումները և, երբ փայտը ճարճատելով մոխիր էր կտրում, վերցնում էր նորը, ձգում կրակի մէջ և կրկին

ծնկները գրկում, կրկին խոհուն հայեացքը սևեռում բոցերին:

Լուս էինք:

Դայլերը վերստին ոռնացին, զիլ, ահաւոր նրանք երևի դժգոհ էին մեր կրակից և գայլոյթով թափառում էին մեր շուրջը աւելի և աւելի մօտենալով:

— Լսում ես, ասաց նա, ի՞նչ անախորժ է:

— Կրակից են վախենում, պատասխանեցի:

— Չէ, նեղ է աշխարհը նոյն իսկ գազանների համար. նզովւած աշխարհ...

Ես զգացի, որ նրա հոգին կրծում է մի ուժեղ, մի մութ վիշտ: Դէմքը գունատ էր, և բոցերի փայլը նրան տալիս էր ուրախանի արտայայտութիւն:

Սօսել չէր լինում:

— Դիտե՛ս, ուր ես յոգնած եմ, շարունակեց նա, շատ յոգնած, այնպէս կուզէի քնել, խոր երկար քնով:

— Քնիր, ես կը հսկեմ, ասացի:

— Յիմար, ասաց նա մեղմ յանդիմանութեամբ, չես հասկանում ինձ. խոր, երկար քուն եմ ասում, յաւիտենական քուն...

— Ի՞նչ է պատահել քեզ:

— Յոգնած եմ, յոգնած:

— Բանտից յետոյ, ազատութեան մէջ...

— Հն, բանտից յետոյ, ազատութեան մէջ. տէ՛հ, այդ ազատութիւնը, գիտե՛ս ինչպէս փախայ:

— Գիտեմ, որ փախել եմ, այդքանն ինձ բա-  
ւական է, մնացածն ի՞նչ արժէք ունի:

— Հէնց մնացածն է հետաքրքիր, միամիտ  
մարդ, զարհուրելի է, զարհուրելի. հաւատան,  
ընկեր, ազատութիւն կայ, որ բանտից նեղ է.  
Լսիր պատմեմ քեզ և ասանք հեղինակաւոր,  
քո անողորմ վճիռը. ասա, ես ոճրագործ եմ,  
թէ ոչ:

Գայլերը ոռնացին վերստին.

— Լսում ես, իմ ազատութեան յուզարկաւոր-  
ութիւնն են կատարում գաղտնիները, և նրանց  
երգը նոյնն է՝ «աշխարհը նեղ է, նեղ է,  
նեղ է»... Գիտես, մօրս երկունքը ձախորդ  
է եղել, և խանձարուրիս վրայ անէծքն է  
թառել:

— Այս գիշեր դու տարօրինակ ես, դու...

— Լսիր և մի ընդհատիր ինձ: Ես միշտ գի-  
տէի, որ աշխարհը նեղ է և արիւն-արցունքով  
լեցուն, ցաւը եռում է ամեն կողմ, և ինձ միշտ  
թւում էր, թէ նա պիտի պայթի այն աշխարհը,  
և երբ պայթի, նրանից կը ծնւի նորը, ուր  
տառապանքն աւելի նւազ և ժպիտն աւելի  
փարթամ կը լինի:

Այդպէս էի մտածում և երազում էի:

Իմ երազները...

Նրանց մէջ տեղ ունէին բոլոր նրանք, որոնք  
ձխլւած հսկայական ցաւի տակ, սողում են,  
տնքում և ապրում են սոսկ, որպէս շաղախ  
ուրիշների, հզօրների երջանկութիւնների հա-  
մար:

Ես հպարտ էի իմ երազներով, հպարտ ու  
յանդուգն. ինձ թւում էր, թէ տիեզերքն եմ  
ընդգրկում, և իմ խոհերը մուրճեր են, որոնց  
տակ պիտի խորտակւի բոլորը, ինչի վրայ  
բարձրանում է արիւնի ու արցունքի հրէշաւոր  
շէնքը:

Բռնւել էի երկրորդ անգամ խիստ վտան-  
գաւոր պարագաներում: Զինւորական-դաշտա-  
յին դատարան, կախաղան, որպէս արիւնոտ  
կօշմար՝ խեղդում էին ինձ: Ինքս ինձ ասում  
էի, որ պայքարի գեղեցկութիւնը յաղթանակի  
մէջ է. նահատակի փայլուն լուսապսակը թող  
տան՝ ում ուզում են, իսկ ես պիտի փախչեմ  
բանտից, ինչ գնով և լինի, թէկուզ էլի հազար  
կամարներ բարձրանան գլխիս աւելի կուռ,  
աւելի մռայլ ու հաստաբետ:

Անքուն էի:

Լուռ էր բանտում.

Մերթ ընդ մերթ լուռւմ էր որ և է բան-  
տարկեալի շղթաների շառաչիւնը, նզովւած ու  
ժանգոտ մետաղը հաջում էր իր զոհի վրայ և  
նրա ոտները կրծոտում. այդ ժամանակ մի-  
ջանցքում հսկող զինւորը կանգ էր առնում  
մի վայրկեան, ականջ դնում, ապա շարունա-  
կում քայլել յետ ու՛սառաջ միւսնոյն գծով, միւս-  
նոյն համաչափ, ծանր քայլւածքով: Նրա ոտ-  
նաձայնը հնչւում էր իմ ականջում, որպէս  
անորոշ գրնդիւն. ինձ զբաղեցնողն այդ ժա-  
մին ոչ բաղբակից հարեանների շղթաների  
շափնդն էր, ոչ պահապանի միակերպ քայլ-

ւածքը: Չափից դուրս շատ բան ունէի մտածելու, բայց գլխումս գաղափարների շիփթեւահագին էր, միտքս՝ ամուլ, և ես անկարող էի որ և է վճռական միջոցի վրայ կանգ առնել իմ փրկութեան համար ու սկսեցի մեքենայաբար համրել զինւորի քայլերը՝ «մէկ, երկու, երեք... տաս, տասներկու»... Չայրացայ ինքս ինձ վրայ. բանտարկութեանս առաջին օրից քանի-քանի անգամ համարել էի իրար յաջորդող բոլոր իմ պահապանների քայլերը, գիտէի, որ նրբանցքի մի ծայրից միւսը երեսուն երկու քայլ է, գիտէի, որ պահապանն ստիպւած է քայլել քունն ու ձանձրոյթը վանելու համար: Գիտէի այդ բոլորը և դարձեալ ակամայ համարում էի ոտնաձայները, երբ իմ կեանքի ու մահուան խնդիրն էր վճռում: Նզովեցի պահապանին և իր քայլերը ու վերսկսեցի մըտքերիս թելը, վճռաբար կրկնելով՝ «պէտք է փախչել, պէտք է փախչել, պայքարի գեղեցկութիւնը յաղթանակն է»:

Յիշեցի մօրս.

Սեղճ պառաւ մայր. կեանքի այս ահռելի ժխորի մէջ, ուր չարիքն ու բարին կատաղած բորենիների պէս իրար կոկորդ են կրծոտում, դու էլ ոտների տակ ընկար, քո ծեր օրերի բնուր շալակած: Մի երկու օր առաջ ինձ այցելութեան էր եկել. սևազգեստ ու երկու տակ կռացած՝ նա սրբում էր իր մարած աչքերից՝ քամուղ արցունքը և ասում ինքն իրան.

«Ես ծնկաչոք կը գամ մինչև դատարան,

կընկնեմ գատաւորների ոտները, կաղաչեմ, կաղերսեմ, որ իմ մին ու ճարին չը տանեն, չը խլեն ինձանից»:

— Հա, հա, մայրիկ, դու այդպէս կանես, քաջալերում էի ես նրան մի բանով մխիթարելու համար:

«Ծեր օրերիս էս սևը բերիք գլխիս, շարունակից նա, քեզ ասում էի, որդի, ինձ խնայիր, իմ խեղճութեան ու անտէրութեանը մեղքացիր, տէրութեան դէմ»...

— Մայրիկ, հանգիստ մնայ, ընդհատեցի նրան, տեսնելով, որ պահապանների ներկայութեամբ անգիտակցաբար մեղադրում է ինձ. մայրիկ, ես մեղք չունիմ, այ կը տեսես, կաղատեմ:

Նա հասկացաւ միտքս, անհանգստութեամբ շուրջը նայեց, աչքերը սրբեց.

«Վայ, քուանամ ես, ցնդած պառաւ եմ, ինքըս էլ չեմ իմանում, ինչ եմ դուրս տալիս. հա, ոտները կընկնեմ, կաղաչեմ, կը լամ, դու ինչ մեղք ունիս, որ չաղատեն»...

Սեղճ պառաւ...

Նւ նա հաւատացած էր, թէ իրեն կը լսեն, թէ նա իր արցունքով քարերը կը պատուի. ո՞վ կարող է դիմանալ, երբ մի մայր է լալիս:

Մօր արցունքը»...

Կրակի բոցերը նւաղեցին, և խաւարը թանձրացաւ մեր շուրջը. ընկերս դարձեալ փայտեր շարեց կրակի վրայ, որոնք ճարձատե-



լով սկսեցին վառել. միւսը, մի բան մոմուաց քնի մէջ և շարունակեց խոնփալ, իսկ գայլերը բոցավառած կրակի փայլից վերստին ոռնացին աւելի զիլ, աւելի չարագուշակ ու կատաղի:

— Դու չե՞ս քնում:

— Ոչ, ասացի:

Եւ նա շարունակեց իր պատմութիւնը.

«Մի երկու օր յետոյ ինձ շղթայակապ պէտք է փոխադրէին նահանգական քաղաքը գատելու: Պէտք էր փախչել ճանապարհին զինւորների ձեռքից, ուրիշ ճար չը կար: Բայց ի՞նչ պէս. ահա խեղդող հարցը, որի ծանրութեան տակ ընկճում էր միտքս, ու հոգիս թակարդի մէջ բռնւած թռչունի նման թրպրտում էր ու տնքում:

«Մէկ, երկու, երեք... տաս...

Դարձեալ... գայրացած՝ բոռնցքով խփեցի ճակատիս ու շուռ եկայ միւս կողքիս: Երկաթէ մահճակալս ճոնչաց, շղթաներս շառաչեցին, և պահապանը կանգ առաւ իմ դրան առջ: Սպասում էի, թէ նա ըստ սովորութեան կը կանչի անողորմ ու շեշտ ձայնով: «Չաղմկել, քնիր, ապա թէ ոչ...»: Այսպէս են բոլոր պահապանները, մէկը միւսից անսիրտ:

Բայց այս անգամ պահապանը լուռ էր:

Երևի նա է, մտածեցի ես, իմ բարեկամը, միակը, որ հայհոյել չը գիտէր, որ իր պաշտօնի խստութեան մէջ պահել էր մի անոյշ մեղմութիւն, մանաւանդ զէպի ինձ:

— Չե՞ս քնել, հարցրեց նա կամացուկ:

— Ո՛չ, ասացի:

— Մօրդ մասին ես մտածում երևի:

— Հա, նա այնպէս տառապում է:

— Խեղճ պառաւ... և նա հեռացաւ ու շարունակեց գնալ-գալ, մէկ, երկու, երեք... տաս, տասներկու:

Մեր բարեկամութիւնն սկսեց ինձ համար խիստ անսպասելի կերպով: Ծեր մօրս առաջին այցելութեանը նա ներկայ էր, լուռ նայում էր նրա արցունքին, և նկատեցի, որ խիստ յուզեց: Երբ մայրս հեռացաւ, նա մօտեցաւ իմ դռնակի, և խօսում էր իր մօր մասին, որ հեռու հայրենիքում տարիներից ի վեր սպասում է իր գալստեանը:

— Տարբախտաբար մեծ եղբայրս պահեստի զինւոր է, ասաց նա, և զէնքի է կանչւած: Նա այժմ կուրի դաշտումն է: Այս անիծած պատերազմն էլ վերջ չի առնում. քանի՞սն ընկան... ի՞նչ լուրեր են գալիս. ո՞վ գիտէ, ի՞նչ է պատահելու. յետոյ եղբայրս կին ունի. խեղճ մայր, ինչպէս են եօլա գնում. երկու կնամարդ, առանց տղամարդի, առանց օգնականի, աղքատ, անհող... ամենքն աղքատ են մեզ մօտ, օ, այնպէս աղքատ, հող չը կայ...

Այս խօսակցութիւնը եղաւ մեր բարեկամութեան սկիզբը: Այնուհետև իր պահպանութեան հերթին նա հեշտացնում էր իմ կապը արտաքին աշխարհի հետ. լուրեր էր տալիս չը բռնում անցած—գարձածից, պատերազմից. ես

խօսում էի իմ մօր վշտերից, բանտից ու շրջ-  
թաներից, նա, իր զինուորութիւնից, իր եղ-  
բօրից ու հեռաւոր ընտանիքից:

— Է՛հ, ծանր է կեանքը, եղբայր, վերջաց-  
նում էր նա:

— Հա, ծանր է, պատասխանում էի:

— Բարի գիշեր, քնիր:

— Բարի գիշեր, եղբայր:

Եւ նա սկսում էր գնալ-գալ. ես համարում  
էի նրա քայլերը մինչև քնեմ:

Նա մի շիկահեր, միջահասակ երիտասարդ  
էր. պարանոցը մի փոքր թեք դէպի ձախ, որ  
նրան տալիս էր համեստ, նոյնիսկ խեղճ ար-  
տայայտութիւն: Սօսում էր դանդաղութեամբ,  
համարեա կակազելով: Ծոյլ շարժումներ ու-  
նէր, միշտ մտածկոտ անփայլ դէմք, որ մօ-  
տենում էր թախծոտի: Ես այնպէս գրաււած  
էի նրա բարի արտաքինով, այնպէս բարեկամ  
էի համարում ինձ, որ երբեմն տարօրինակ էր  
թւում ինձ նրան տեսնել իմ պահապանի դե-  
րում, հրացանը ձեռքին պատրաստ կրակելու,  
եթէ փախուստի ամենաչնչին փորձ անեմ:  
Յաճախ նայում էի նրա աչքերի մեղմ, բարի  
արտայայտութեանը, անմեղութիւն բուրոզ նրա  
խեղճ դէմքին ու ինքս ինձ հարցնում էի՝ միթէ  
այս մարդն ընդունակ է իր հրացանի փողն  
ուղղել առաջին պատահած բանտարկեալի  
կրծքին, որին չի ձանաչում, որի յանցագործ  
լինել կամ չը լինելը նա չի կարող իմա-  
նալ:

Այս մարդու արտաքինի և նրան վերապահ-  
ւած արիւնոտ գործողութեան մէջ եղած հա-  
կասութիւնն ինձ թւում էր հրէշաւոր, այլան-  
դակ, և ես չէի դադարում մտածել այդ գար-  
շելի հակասութեան մասին, ուր սնունդ է առ-  
նում անգիտակից ոճիրը:

Յաճախ երբ նա խօսում էր ինձ հետ, ես  
չէի լսում, այլ նայում էի աչքերին և նոյն  
միտքը դառնում էր իմ գլխում, ինչպէս մի  
ձանձրալի յանգերգ՝ «եթէ փախչեմ, սա  
ինձ կը խփի՞, թէ չի խփի, կը խփի՞, թէ  
չի խփի...» Ես այնպէս կուզէի այդ իմա-  
նալ: Հարցնեմ անյարմար էր. դիպւածն  
ինձ օգնեց: Մի գիշեր բանտում անակոչ  
բարձրացաւ, պահապանը մի քանի անգամ  
հրացան արձակեց. նրան պատասխանեցին  
բանտի միւս մասերից հրացանների որոտով-  
յետոյ աղմուկ, խօսակցութիւն, հայհոյանք,  
զայրացկոտ հրամաններ, շղթաների ձայն, դրո-  
ւների դղրոց, տնքոց, հեծեծա՛ք, ապա ամեն  
ինչ լռեց, ասես ոչինչ պատահած չը լինէր:  
Յաջորդ օրը շատ բանտարկեալների ոտները  
շղթայեցին, ի թիւս որոնց՝ իմ: Յետոյ իմա-  
ցայ, որ երկու բանտարկեալ փախուստի փորձ  
են արել, քանդելով առաստաղը, բայց անյա-  
ջող:

Երբ իմ բարեկամ պահապանը իր հերթին  
եկաւ, նա նայեց շղթաներին ու ցաւ յայտ-  
նեց:

Սօսք եղաւ փախչողների մասին.

— Սպանւած են, հարցրի ես.

— Մէկն սպանւած է, միւսը՝ ծանր վիրաւոր. յանդուգն, խելագար բան է, եղբայր... փախչել բանտից, շարունակեց նա, նստել ես, ուրեմն օրէնք է... Նստիր, դատաստան կայ. թէ չէ փախչել. այնպէս չէ, դէ ի հարկէ կը խփեն, և խփողը պարզև կը ստանայ. պարտք է, եղբայր, զինուորի պարտք, հօրդ էլ չես կարող խնայել... հա, այդպէս է, եղբայր, նստացրել են... ուրեմն մի բան կայ, նստիր և սպասիր, օրէնք է...

Եւ նա ասում էր այս բոլորը ոգևորւած, համարեա զայրոյթով, կարծես նոյն իսկ ցաւում էր, որ ինքը չի եղել խփողը: Ես զարմացած նայում էի նրա դէմքին ու ճանաչել չէի կարողանում իմ բարի, իմ խեղճ բարեկամին: Մա նոյն մարդն էր, որ մի քանի օր առաջ քիչ մնաց արտասուէր, երբ մօրս արցունքը տեսաւ: Իմ առաջ կանգնած այս զինուորի արտաքինի տակ մի մարդ չէր, այլ երկու, և զարհուրելին այն էր, որ նրանց մէջ կոխ չը կար: Նոյն այդ աչքերը, որոնք այնքան բարի, այնպէս մեղմ արտայայտութիւն ունէին, առանց յուզմունքի նշան կը բռնէին ինձ, եթէ ես էլ փախչելու փոքրիկ փորձ անէի: Այժմ այդ ինձ համար պարզ էր՝ ինչպէս այն, որ ես բանտումն էի:

Ահա այդ զինուորն էր, որ գիշերը մօտեցաւ դրանս, կարեկցութեան երկու խօսք ասաց,

ապա հեռացաւ, թողնելով, որ ես որոճամ իմ փախուստի ծրագիրը:

«Պէտք է փախչել, պէտք է փախչել»:

Բայց ի՞նչպէս...

Խեղդող, սրտաշուկ հարց, որ հազար ձևով դառնում էր գլխումս:

Թէև աշուն էր, բայց բանտում տօթ էր. նեղլիկ երկաթապատ լուսամուտից օդը չէր փոխուում: Առաստաղը ճնշում էր, կարծես կամաց կամաց կախում ցածրանում էր ինձ խեղդելու համար: Ճակատս տաքանում էր, ես կարծես տենդում էի, մտքերս բոց դարձած՝ վառում էին գանգիս մէջ, նստեցի գլուխս ձեռներիս մէջ առայ յուսահատաբար:

Հոգիս դժոխք էր:

Պահապանը կրկին մօտեցաւ դրանս:

— Դու դեռ անքուն ես:

— Հա, անքուն եմ, շոգ է, յետոյ վատ երազները...

— Վատ երազները, կրկնեց նա վշտոտ, դողդոջուն ձայնով, քնիր, եղբայր, քնիր, կեանքն անիծւած է. օճֆ...

Նրա խօսքի շեշտը անսովոր ցաւ ունէր. զգացի, որ նա արտասուելու չափ տխուր է:

— Վատ լուր ունիս տնից, հարցրի:

— Եղբայրս սպանւած է... մայրս է գրում... խեղճ պառաւ... քնիր, եղբայր, քնիր, կեանքն անիծւած է...

Նա էլ շարունակել չը կարողացաւ, մեղմիւ հեծկտաց, դռնիցս հեռացաւ և սկսեց քայլել:

նոյն համաչափ քայլածքով յետ ու առաջ, և նրա ոտնաձայնը չոր էր ու անողորմ, ինչպէս միշտ: Ահագին վիշտը կրում էր թիկունքին, ինչպէս իր ծանր հրացանը, և մէկը միւսին ասես բնաւ չէր խանդարում:

Մոռացայ իմ ցաւը և մտածում էի բարեկամ զինւորի ցաւի մասին:

Մի մութ ու անաւոր կապ կար այդ ոտնաձայնի, զինւորի վշտի, ռազմի դաշտում ընկած, անծանօթ մարտիկի և իմ բանտի շրջթանների մէջ: Չէի կարող ասել, թէ դա ինչ կապ է, ինչո՞ւ է գրադեցնում ինձ մի անծանօթ դիակ, որ ընկած է հեռու, անծանօթ հորիզոնների տակ իր պէս հազար հազարների հետ: Ինձ թւում էր, որ և՛ իմ բանտն ու շրջթաները, և՛ այն դաժան, արիւնոտ մահը, որ այնքան երիտասարդ կեանքեր է հնձում պատերազմի դաշտում, միևնոյն ծագումը, միևնոյն աղբիւրն ունին:

Եւ այս մարդը լալիս էր, ցաւում էր մէկի համար, միայն մէկի: Բայց ուրիշ հազարները նոյնպէս ընկել են նոյն գնդակով, նոյն դաշտերում, նոյն պատճառով և նոյնպէս արժանի են կարեկցութեան, արցունքի:

Աշխարհում այնպէս շատ են արցունքի արժանիները, բոլոր նրանք, որոնք խլում են կեանքի մեծ ճանապարհներին այլ ևս երբէք չը բարձրանալու համար:

Եւ զինւորը գնում էր գալիս ու հեծկտում. նա էլ էր զարկւած, ինչպէս և՛ այն խեղճ,

անտէր պառաւը, որ հեռաւոր երկնքի տակ, մի աւերակ խրճիթում նոյնպէս հեծկտում էր անյոյս, որպէս բունաւեր այրի թռչուն: Եւ յետոյ եթէ փորձեմ փախչել սա, այս վշտից խորտակւած զինւորը, ինձ կը գնդակահարի. հէնց այս վայրկեանիս կը դադարի հեծկտալ ու արցունքոտ աչքով նշան կը բռնի, կը զարկի միևնոյն գնդակով և՛ ինձ, և՛ մօրս, և բոլոր խենթ երազներս կը մարեն նրա բուժ անգիտակցութեան մի նզովւած հարւածով:

Մութ, կորած մի արարած է, որոնցով լի է աշխարհը, բայց էլի մարդ է, գիտէ խորը զգալ մերձաւորի վիշտը. հեռաւոր եղբօր մահւան կսկիծը գիշատիչ թռչունի պէս հորիզոններ է կտրել և եկել սրա սիրտը քրքրում է: Եւ այդ կիզիչ ցաւը, սեփական վիշտը նրան ոչինչ չի ասում, իր խաւար գլխի ու խղճուկ սրտի մէջ նա անջատ, ուրոյն տեղ է բռնել՝ միանգամայն դուրս աշխարհի հսկայական շարիքից:

Կալիս է, բայց եթէ փախչեմ՝ առանց արցունքը սրբելու կը զարկի, որովհետև նրան է յանձնւած հսկել, որ իմ շղթաները շատ բարձր չը շառաչեն, որ բանտը զոհերի լինի ինձ պէս հազարների յոգեբերութեան րին և բոց տեսչերին:

Ո՛ւհ կեանքը:

Նզովքի, արեան ու արցունքի ցրտի և այն, որի վրայ թառել է բուժ անգիտակցութեանը հսկայ բուռի պէս, թառել է և վույ-վույ անում, մինչդեռ իր զոհերը խեղդատում, արորում,



գարկում են իրար, արիւնոտում ու ընկնում առանց իմանալու թէ ինչու:

Դժոխք...

Պահապանը գնում էր գալիս անընդհատ, միակերպ. «մէկ, երկու, երեք...» Գլուխս ծանրացաւ, ընկայ կոշտ անկողնի վրայ. շղթաներս շառաչեցին խուլ ու այլանդակ ձևով. փակեցի աչքերս և դարձեալ մտածում էի պատերազմի դաշտում պառկած, հազար հազար արիւնոտ դիակների մասին, որոնց վրայ պտտում էին գիշակեր թռչունները, կամ լալկան ամպերն էին գալիս մի քանի կաթիլ արցունք թափում և անցնում:

Եւ այսպէս ես չը կտրողացայ...

Նրա խօսքն ընդհատեց ոտների թփթփոցով, որ լսեց հէնց մեր թիկունքին բոլորովին մօտիկ և նոյն վայրկեանին երկու դայլ, իրար կրծոտելով ու քաջըջելով, կատաղի ոստիւններով անցան մեր կողքով: Ընկերս դայրացած խլեց հրացանը, ուղղեց նրանց յետևից և արձակեց: Գայլը կաղկանձեց, սուբ, անօրինակ ճիչ արձակեց ու լոեց. մեր քնած ընկերը զարթնեց, վեր թռաւ, ձեռքը դէպի հրացանը տարաւ:

— Բնիր, քնիր, ասաց հրացան արձակողը. ես էի, գայլին խփեցի, քնիր:

Միւսը մի բան մոմոաց քթի տակ, հրացանը թողեց, կրկին փաթաթեց եսփունջու մէջ և իսկոյն քնեց:

— Գայլն ընկաւ, ասացի ես:

«Անկասկած, նրա կաղկանձոցը օրհասական ճիչ էր: Եւ լաւ եղաւ, աշխարհում մի տեղ բացուեց, ես քեզ ասացի, որ նեղ է, նեղ է, ամենիս համար նեղ է: Եւ նա տարօրինակ կերպով ծիծաղեց, ապա կրակի վրայ փայտեր շարեց ու շարունակեց.

«Ես չը կարողացայ փախուստի մէջ վճռական միջոց գտնել, թողեցի պատահականութեան, կոյր գիպածին:

Եւ չը սխալեցի:

Բարեկամ զինուորի ձեռքով դրսից մի տոսակ ստացայ. բովանդակութիւնը հետևեալն էր. «վաղը քեզ տանելու են. աշխատիր գետափի մօտ անտառում նստել հանգստանալու»:

Տոմսակը պատռուեցի, բայց այս մի քանի բառերը կարծես շիկացած երկաթով տպեցին ուղեղիս վրայ, և ես անդադար կրկնում էի ինքս ինձ: Ո՞վ էր գրել—չը գիտէի, ի՞նչ էր ծրագրւած, նոյնպէս հասկանալ չէի կարողանում. մի բան միայն պարզ էր, որ ինձ ազատելու մասին դրսում մտածել են ընկերներս, և որ գետափին, անտառում նստելը վճռական նշանակութիւն կարող է ունենալ իմ փրկութեան համար:

Վերջապէս ինձ տանում էին՝ կամ դէպի մահ, կամ դէպի փրկութիւն: Երկու զինուորի հսկողութեամբ և գլուխս սև մտքերով պաշարւած, ես քաշ էի տալիս իմ շղթաները յամրաքայլ: Մի անսպասելի զուգադիպութեամբ պահապաններից մէկը դարձեալ իմ

բարեկամն էր, շիկահեր, տխրադէմ երիտասար-  
 զը: Միւսը, մի բարձրահասակ, խոժոռ մարդ,  
 ոքի իւրաքանչիւր շարժումը մանաւանդ, դա-  
 ժան հայեացքը վկայում էր նրա խստասրտու-  
 թիւնը: Սա չէր ինձ հետաքրքրողը, և ես  
 նոյն իսկ ուրախ էի, որ ատում եմ այս մար-  
 դուն առանց լուրջ պատճառի: Ինձ զբաղեցնողը  
 իմ բարեկամն էր. փոխանակ ուրախանալու,  
 որ նա է ինձ ընկերանալու, փոքրիկ զոդ ան-  
 ցաւ մարմնովս, երբ նրան տեսայ: Եթէ հնար  
 լինէր, կը ճչայի. «էյ բարեկամ, աղաչում եմ  
 քեզ, մի ընկերացիր ինձ»: Ես նման էի այն  
 ձիուն, որ ճանապարհի եզրին ընկած մի  
 մութ զանգւանից վախենում է ու ծառանում,  
 աշխատելով հեռից անցնել. բայց տէրը  
 քշում է նրան հէնց դէպի սոսկալի առարկան:  
 Ես վախենում էի այս բարեկամի ներկայու-  
 թիւնից, անորոշ կերպով զգում էի այդ  
 վախի շարժառիթը, առանց սակայն պարզ  
 կերպով ինձ հաշիւ տալու թէ ի՞նչ էր այն:  
 Մէկ չէ, նա թէ՛ մի ուրիշը. բոլորն էլ գըն-  
 դակի կը բռնեն, եթէ փախչելու փորձ անեմ.  
 սա գոնէ ճանապարհին աւելի կարեկից կը  
 լինի դէպի իմ ծանր կացութիւնը, հրացանի  
 կոթով թիկունքիս չի հարւածի, եթէ գան-  
 դաղեմ կամ յոգնեմ: Մտածում էի այս բոլո-  
 րը, բայց և այնպէս կուզէի, որ նա չը լինէր,  
 այլ մի ուրիշը, անծանօթը, որ ինձանից ոչինչ  
 չունէր, և որից ես էլ ոչինչ չունէի:

Ճանապարհը երկար էր ու մանւածապատ-

մենք անցնում էինք դաշտերով, ձորերով ու  
 անտառներով: Աշնան սկիզբն էր: Թռչունները  
 ձախրում էին երկնքի տակ մեծամեծ երամ-  
 ներով՝ ազատ ու անհոգ, և նրանց խոնկի-  
 խուռն ճիչերը իմ շղթաների շփոնդի հետ կաղ-  
 մում էին մի սրտմաշուկ, հոգեկան համերգ:  
 Կեանքի խօլ աղաղակն է այս,— մտածում էի  
 ես,— ցաւերի ու ցնձութեան հնչիւններից հիւս-  
 ւած:

Աշնան առաջին նշանը, հատ հատ գեղնած  
 տերեւներ երևում էին այստեղ, այնտեղ: Փչում  
 էր մոլորւած քամին, քշում, իրար էր խառ-  
 նում մեռած տերեւները, և նրանք հնազանդ  
 ու խեղճ, յալազին խշշոցով տարւում էին  
 գետնի երեսից, առանց իմանալու թէ ո՞ւր և  
 ի՞նչն:

Կռուկների աղեղնաձև մի երամ վերևից  
 կղզաց ու անցաւ: Ճանապարհից քիչ հեռու  
 մի խումբ անզղեր կեռ, ուժեղ կտուցներով  
 քրքրում էին մի դիակ. իմ շղթաների ձայնից  
 նրանք բարձրացան դժգոհ ու կատաղի, ապա  
 ցած իջան շարունակելու իրենց նողկալի ճա-  
 շը: Աշխատաւոր գիւղացիներ կային ցելերում.  
 Գլուխները բարձրացրին ու նայեցին մեզ մի  
 վայրկեան այն սովորական բուժ անտարբե-  
 բութեամբ, որ յատուկ է հողի վրայ կռացած  
 ճակատների, ապա վերսկսեցին իրանց դան-  
 դաղ աշխատանքը:

Երկնքի տակ լողում էին կտոր կտոր ամ-  
 պեր, նօսր ու անձև. նրանք տարւում էին

այնպիսի դանդաղութեամբ, ասես համարում էին իմ յողջած քայլերը, և ականջ դնում իմ շղթաների շփոնդին: Նրանց յեղյեղուկ ու այլանդակ սոււերները թուխ շղարշի պէս մի վայրկեան պարուրում էին մեզ, ապա հանդարտ անցնում սողալով դաշտերի ու անտառների վրայով որպէս դարանակալ գաւազիրներ: Ամպերի այդ գաղտագողի շարժումները, այդ զգուշաւոր ընթացքը այնպէս նման էին մտքերին, որոնք նոյնպէս ծածուկ, նոյնպէս անձև դառնում էին իմ գլխում խօլ երամով:

Եւ այդ մտքերը... բոլորն էլ իմ փախուստի շուրջն էին պտտւում: Ի՞նչ է սպասում ինձ, ի՞նչ էին նշանակում խորհրդաւոր տոմսակի մի քանի բառերը, ի՞նչպէս անել, որ կէտ առ կէտ կարողանամ իրագործել գաղտնի հրահանգը առանց ինձ մատնելու:

Հեռւից լսեց գետի ձայնը. մօտ էինք, և սիրտս թունդ ելաւ. քիչ յետոյ մեր ճանապարհն անցնում էր նրա ափերով: Մեզնից դէպի աջ, մի անդնդախոր ձորի մէջ հոսում էր նա փրփրած ու կատաղի: Մացառներն ու ծառերը թագցնում էին նրա տեսքը, լսւում էր ձայնը միայն, մի ահագին որոտ: Լեռնային գետակ էր, սրընթաց իջնում էր բարձրութիւններից, կատաղաբար զարկւում ափերին և մոմոում ու կրծոտում իր կողերը սղմող ժայռերը: Մենք երեքով էլ նայում էինք դէպի աջ, դէպի բարձր քարափը, որից ներքև դետն էր մոնչում, ինչպէս կաշկանդւած վիշապ: Ինչ-

չո՞ւ էին նայում իմ պահապանները, չը գիտեմ, բայց ես դիտում էի, ամեն վայրկեան սպասելով, թէ մի բան պիտի պատահի, մի վարհուրելի անակնկալ: Անորոշի, մութ դիպածի սոսկումը բռնել էր ինձ, ծնկներս ծալւում էին ակամայ, և գետի որոտը օրօրում էր ինձ, որպէս անհունի անհասկանալի աղաղակ:

Առաջ շարժեցինք. ճանապարհը նախ հեռացաւ գետափից, ապա պտոյտ տալով ցածացաւ դէպի ձորը: Անտառի մէջ էինք: Յուզմունքս իր գազաթնակէտին հասաւ. այստեղ պէտք էր «հանգստանալ»: Ճիգ էի գործ դնում ակնարկի խաղաղութեամբ խնդրել պահապաններին մի քանի բոլակի հանգիստ, բայց ամեն անգամ, որ փորձում էի բերանս բանալ, ինձ թւում էր, թէ ձայնս, խօսքիս շեշտն ինձ կը մատնի, և շրթունքներս կծում էի չը խօսելու համար:

Էլ քայլելու ոյժ չը կար:

— Յողջած ես, հարցրեց բարեկամ զինւորը.

— Այո, շատ յողջած եմ, հազիւ կարողացայ ասել և իսկոյն լռեցի, որովհետև զողացող ձայնս ինձ վախեցրեց:

— Նստենք մի փոքր հանգստանալու, ասաց նա, դուքս գալով ճանապարհից և առաջանալով դէպի սոււերախիտ ծառը: Երևի ինքն էլ էր յողջած, իմ բարեկամը: Նա թեք ընկաւ իմ կողքին, իսկ միւսը՝ հրացանն ուսին շարունակեց քայլել իմ առաջից յետ ու առաջ: Ես գաղտագողի կերպով նայում էի չորս կողմը.

աշխատում էի հայեացքով թափանցել ծառերի թանձր թաւուտների խորը, պըպտել սուտերները: Ոչինչ, ոչինչ չէր նկատուում: Ականջս սրած, սպասում էի որևէ ձայնի, որևէ շշուկի, ոչինչ չէր լսուում: Միթէ ստացած տոմսակը մի անողորմ հեգնութիւն էր իմ դժոխային վիճակի, կամ գուցէ ծրագիրը չի յաջողել: Կանգուն գինւորը նոյնպէս մերթ նայում էր իր շուրջը, մերթ ինձ, ապա կանգնում մի վայրկեան ականջ դնում և կրկին քայլում:

— Գնանք, բաւական է, ասաց նա, հազիւ հասնենք ժամանակին:

— Էհ, թող հանգստանանք, պատասխանեց միւսը և աւելի յարմար ձգեց կանաչ խոտերի վրայ:

Յուսահատութիւնը խեղդում էր ինձ. բերանս չորանում էր անօրինակ՝ յուզմունքից, թիկունքիս վրայից մի ցուրտ բան էր խաղում, ինչպէս սողուն. ևս դողում էի, վայրկեանը փախչում էր արագութեամբ, և նրա հետ նոյն արագութեամբ մօտենում էր իմ անդառնալի կորուստը:

— Գնանք, վերստին կրկնեց կանգնած պահապանը այս անգամ աւելի վճռական, աւելի խիստ շեշտով:

Եւ նոյն վայրկեանին անտառի միջից լսեց մի որոտ: Ես տեսայ թէ ինչպէս խօսող պահապանը կանգնած տեղում վեր ցատկեց, ճչաց անօրինակ ձայնով, ձեռքի հրացանը

ճօճեց օդի մէջ և ընկաւ, ինչպէս խորտակւած ծառ: Կողքիս պռակած հարևանս ցնցեց, խից հրացանը, պատրաստուում էր ոտքի ելնել, երբ ես առանց ինձ հաշիւ տալու զոյգ ձեռքով նրա կոկորդը բռնեցի: Չէի մտածել, չէի ծրագրել այդ յանգուզն, այդ յուսահատ գործողութիւնը, միայն երբ տեսայ առաջինի ընկնելը, բնագոյրէն երկրորդին բռնեցի իմ երկաթէ մատներով: Սկսեց կատաղի կռիւ իմ և նրա մէջ, նա ներքևից ես վերևից. մենք փաթաթեցինք իրար զայրացած օձերի պէս և ատամների կրճտոցով աշխատում էինք ոչնչացնել իրար: Ես էլ ոչինչ չէի տեսնում, գիտէի մի բան, որ պէտք է խեղդել իմ տակն ընկած այն մարդուն, որ իմ մահն էր, իմ կախաղանը, իմ ճակատագիրը: Ես զգում էի իմ մատների տակ նրա պարանոցի ոսկորների ճարճատիւնը, ես տեսնում էի նրա շըրթունքների կարմիր փրփուրը, նրա զարհուրանքից ու կատաղութիւնից չռած աչքերը, և սեղմում էի ու սեղմում նրա կոկորդը: Ես խըռխտում էր, եղունգներով ծւատում իմ երեսը, չանդուում աչքերս, փորձում էր բռնել կոկորդս. իզո՛ւր, ես ատամներով կրճոտում էի նրա մատների մասերը, պլոկեցի նրա կաշին, որ արիւնոտ ու զազրելի լաթի պէս կախկիւսեց ձեռքերի վրայ: Տասն անգամ բազուկներս թուլացան նրա հզօր ճիչերի առաջ, և կրկին յուսահատ թափով բռնեցի կոկորդը, մատ-



ներս թաղելով նրա պարանոցի մէջ ինչպէս երկաթէ ճիրաններ:

Չարհուրելի՛ պայքարը մօտենում էր վախճանին, հակառակորդիս խոխոցը նւազում էր, և կամաց կամաց նրա բազուկները թուլանում էին ու կախում, ուռնդներից ու բերանից արիւնը հոսում էր թանձր ու գարշելի, ճոթոած աչքերը մնացել էին անթարթ սոսկումի պատկերով, իսկ ես շարունակում էի սղմել, սղմել նրա կոկորդը բոլոր ուժով:

Մէկը բռնեց թեիցս:

Վեր նայեցի սասանւած:

—Մեռած է, թող, ասաց մի ձայն: Գլխիս վրայ կանգնած էր մի մարդ, նա էր դարանամուտ գնդակի բռնել առաջին պահապանին: Նայեցի նրան և չէի ճանաչում. գլուխս մթազնած, աչքերս շաղւած, ես հեռւմ էի և չէի հասկանում, թէ ինչ է պատահել ինձ: Տեսնում էի միայն իմ առաջն ընկած մի հատիկ դիակը և չէի իմանում, թէ ինչու այսպէս եղաւ:

—Լսիր, ասաց իմ փրկիչը, ինչ ես քարացել, կորցնելու ժամանակ չը կայ, վեր կաց ու անտառը մտիր: Այս դիակները պէտք է հեռացնել ճանապարհից:

Ես ոյժ չունէի, ես մտածում էի, ես մեռնում էի. ինձ թուում էր, թէ ես էլ չը կամ, ոչնչացած, շոգիացած եմ: Ապա ես տեսայ, թէ ինչպէս նա նախ մէկ, ապա միւս դիակը քա-

շէքաշ տարաւ անտառի խորքը և կրկին յետ եկաւ ինձ մօտ:

—Վեր կաց, ասում եմ. ապուշ է կտրել:

—Խփիր ինձ հրացանով, ասացի, ոյժ չունիմ:

Ես զգացի նրա հուժկու բազուկները, որոնք անցան թևերիս տակ և քիչ յետոյ անտառի խորքումն էինք, այնտեղ, ուր ընկած էին դիակները: Ինչո՞ւ. ինքս էլ չը գիտեմ, բայց նստեցի իմ բարեկամ զինւորի դիակի մօտ, անձայր լքումը վրաս եկաւ, ու զգացի, որ անկարող եմ բաժանւել:

Անտառի խորքից դուրս թռաւ մի եղնիկ, մի գեղանի արարած. նա կանգնեց ականջները խլշած, իր խոշոր, սիրուն աչքերով մի վայրկեան նայեց դէպի մեզ, դէպի դիակներն ու մարդասպանները, և կարծես հասկանալով, թէ ինչ է կատարւել, շեշտակի փախաւ դէպի հակառակ կողմը, անիծելով և՛ մարդուն, և՛ աշխարհը:

Հեռու, հեռու լսեց մի կառքի զանգակի ձայն, շուտով ծառերի արանքից տեսնւեց ճանապարհի վրայ մի քառաձի կառք և մէջը մի ուրախ զոյգ—մի տղամարդ և մի կին, երկուսն էլ ջահիլ ու կենսուրախ. նրանք կողք կողքի սղմւած՝ խօսում էին ու ծիծաղում, ջահիլ կիներ ձեռքի կանաչ ոստով խփում էր երիտասարդի զէմքին, և երկսով էլ քրքջում էին: Կառապանը նոյնպէս ուրախ, նոյնպէս անհոգ սուլում էր ձիերին, շրխկացնելով մտրակը:

Դեռ երբէք կեանքն իր վայելքներով այդ

աստիճան չէր գայրացրել ինձ. ես գգացի, որ ընդունակ եմ մեր դարանից դուրս ընկնել, երեքին էլ խողխողել այդ գեղեցիկ ձիերի հետ:

Կառքն անցաւ սրարչաւ. անտառում վերստին լուռթիւն տիրեց: Մնացինք մենակ մեր զոհերի և մեր ոճրի հետ: Ընկերս վաղուց էր խարտոցել շղթաներս, բայց ես չէի էլ մտածում ոտքի ելնել, կարծես կապւած էի այդ դիակներին, կամ աւելի ճիշտ՝ գրանցից մէկին և փախչել չեմ կարող: Նայում էի միայն մէկին, իմ դժբախտ բարեկամին. նայում էի և մտածում այն խեղճ պառաւի մասին, որ հեռաւոր երկրում, ուր ամենքն էլ աղքատ են, ամենքը դժբախտ, լալիս է իր մի որդու համար, սգում է մէկի մահը, մինչդեռ նա պէտք է արցունքը կրկնապատկի այժմս և չը գիտէ, չը գիտէ... վերջին մահացու հարւածն է ստացել և չը գիտէ...

Եւ այս բոլոր արցունքն ու արիւնը նրա համար, որ ազատ լինեմ, և մայրս էլ կուրախանայ անշուշտ: Այն միւսը՝ այն հեռաւոր, անձանօթ մայրը պիտի լայ, նրա զաւակը պիտի մեռնի օտար հորիզոնների տակ, որպէս զի ես ապրեմ, իմ մայրը խնդայ:

Ո՛ւհ, զարհուրելի հակասութիւնը կեանքի. երբ մէկը պիտի մեռնի, մէկ չէ՞, թէ ով. երբ մի մայր պիտի արցունք քամի մէկ չէ՞, թէ ով:

Նեղ է, նեղ է այս նզովւած աշխարհն ազատութեան համար:

— Գնանք, կրկնեց ընկերս:

Ես լուռ էի և չէի կարողանում հայեացքս պոկել բարեկամիս չոած, արիւնտ աչքերից, նրա կապտած դէմքից, նրա դուրս ընկած լեզւից, որի մէջ թաղել էին ատամները:

Արեն իջաւ, իջաւ կամացուկ և ծածկւեց լեռների թիկունքում: Վերջալոյսն այն երեկոյ աւելի արիւնտ էր քան երբէք: Մառախուղը կախւեց լեռների սոււերների հետ: Անտառը կամաց կամաց մթնեց. խաւարի հետ մէկտեղ սոսկուցն իջաւ անտառի և մեր գլուխների վրայ: Ծառերը սոսկւեցին, ինչպէս մի ահաւոր գաղտնիքի իրազեկ: Գետակը մոնչում էր խուլ ձորում աւելի կատաղի, աւելի թափով: Աստղերը մէկիկ մէկիկ փայլեցին երկնքում. նրանք սահում անցնում էին, և ամեն մէկն ասես աշխտում էր ծառերի արանքից նայել դէպի վար՝ այնտեղ, ուր չորս աչքեր ապակու պէս ստոած՝ անշարժ յառած էին մնացել երկրնքին, նայում էին, յաւիտենական մի հարց շրթունքներին քարացած:

Խաւարն ինձ ազատեց, դիակներն էլ չէի տեսնում. մէկ զետակն էր շարունակում իր ողբը, փրփրում, կատաղում ձորի մութ անդունդներում, ծեծում էր ծեծում ժայռերը մի փոքր ազատութեան համար, և այդ ազատութիւնը չը կար, չը կար, հարկաւոր էր ակերը խորտակել, աւերած ու մահ սպիռելով ամեն կողմ:

Նոյնն էր, նոյնն էր, ազատութեան համար

աւերած ու ոչնչացում, ամեն կողմ բնութեան մէջ, որի վրայ ծանրացել է մի հին անէծք:

— Գնանք, կրկնեց ընկերս տասներորդ անգամ:

Եւ երբ շրթաներից ազատուած ոտքի ելայ, որ հեռանամ, զգացի որ բոս աւելի ծանր է, աւելի դժգոհ, քան շրթայլած ժամանակ:

... Ու գայլերը ոռնում էին ինչպէս այս գիշեր:

Գայլում էի ընկերոջս յետեից, թիկունքիս դրել էի երկու անաւոր ոճիր և մայրերի արցունքների ծանր բեռը. ծնկներս ծալւում էին այդ բեռի տակ, և հոգիս մխում էր մութ ցաւից: Վերստին նստեցի ուժասպառ և զլուխս ձեռներիս մէջ առած՝ երկար, երկար արտասուում էի:

Ազատ էի և չը գիտէի, ուր տանել այդ ծանր, այդ դժնդակ ազատութիւնը: Եւ թւում էր ինձ, թէ ես վաղուց հետէ մոլորւած եմ անտառում, կորել եմ գիշերւայ մթութեան մէջ անդառնալի կերպով, և՛ անտառ, և՛ գիշեր՝ երկուսն էլ ոչ սկիզբ ունեն, ոչ վախճան, կեանքի պէս սև, կեանքի պէս անհուն:

— Գնանք, յիմար, ի՞նչ ես կնոջ պէս հեծկտում, կրկնում էր ընկերս, առաջս կանգնած:

Չոր խոտերը խշխշացին, և նոյն վայրկենին մեր կողքով շեշտակի անցաւ սարսափից խենթացած մի նապաստակ, որին հալածում էր մի կատաղի գազան. «նոյնն է, նոյնն է, ա-

մենքը խեղդոտում, բզկտում, լափում են իրար», մոմոացի ես: Վերստին ոտքի ելայ:

Պէտք էր քայլել, քայլել...

Գնում էի խարխափելով խաւարի մէջ, դիպչում էի ծառերին, վայր ընկնում, կրկին բարձրանում, կրկին ընկնում, գետակը շարունակում էր որոտալ, մոմալ. խաւարը ճնշում էր իմ թիկունքը, ինչպէս ծով անէծքի մի թանձր բեռ, և գայլերը շարունակում էին ոռնալ մեր յետեից:

Պէտք էր քայլել, քայլել կեանքի մեծ ու ցաւոտ ճանապարհով:

Ես «ազատ էի»...

Նա վերջացրեց ու լռեց և մի փայտի կտորով խառնում էր կրակի մոխիրները:

— Բայց դու չասացիր, թէ ով էր այն ընկերը, որ այդպէս անակնկալ քեզ ազատեց:

— Ո՞վ էր այն ընկերը... անա սա, ես փունջու մէջ փաթաթւած այս մարդը, որ երկաթէ ջղեր ունի և բրոնզէ հոգի: Տես ինչպէս քնած է, երանի՛ սրան...

Ես էլ կուզէի քնել քնել, որպէսզի էլ չը տեսնեմ այն ճոթած աչքերը, այն քաշ ընկած լեզուն, այն կարմիր փրփուրով ծածկւած շրթունքները: Օ՛ չի ապրում, չի ապրում, իմ ընկեր, այս դժոխքի աշխարհում ոչ ազատ, ոչ անաղատ կեանքով, նեղ է նեղ է...

Արցունքները խեղդեցին նրա կողորդը, նա գլուխը բռնեց ձեռների մէջ և հեկեկաց:

Կրակը վառեց ու մոխիր կտրեց. խաւարը

բարձրացաւ մեր գլխի վրայ. ծառերը մեղմիւ  
փսփսում էին:

Ես լուռ էի, խօսք չէի գտնում մխիթարելու  
ընկերոջս:

Եւ գայլերը ոռնում էին...



Հայաստանի Ազգային գրադարան



NL0431397

